

殘
山
編

原照影集甲乙丙丁稿

殘山編序

潛庵先生恭署

吾兄之文章詩賦非獨爲情也而以爲心史然公旨趣甚高今集而錄者不過五一蓋其甄選之道在此三者一曰酬和者不錄一曰有情無辭者不錄一曰欠盡美者不錄故十年經營餘者寥寥想先生道風絕非庸倫本不期於屈漁清濁之辯更奈何於咄咄耶古謂賦到滄桑果其信然兄本有意於經綸而不自意網結於錙銖今已三年矣幸此正樊籠盡脫之時故校訂舊稿增刪條目錄得詩詞六十又八屬餘作序自忖公之逍遙快意又念吾儕之汲汲不由破

涕矣雕蟲一篇將與付梓是爲序

殘山詩編

五十六首

古體六首

黃龍詞

黃龍攪太清
波濤駭鬼神
俯仰含天地
吞吐向昆侖
冰心散玉骨
金絲著銀聲
無奈明月外
新竟染紅塵

春暮二首

無奈春自負女貞鋪來路總歸風隨雨何時心波住
靡蕪生春色黃鶯戲柴門一覺知梅雨江湖不由人

白露

露白七星遠寒雨生小廬茂陵秋風起憐病灞上儒
潛遊所見

鮫淚落急雨龍涎飛怒濤凝雲虛暮色流霞見秋毫
題吳梅村詩集

我愛梅村詩梅村與我同皆執五彩筆嘗登太白峯
世間輕文藻漂泊各西東維寄一二語心事總朦朧

樂府歌行六首

風下篇

青燈一豆焰短長窗外枝爪何茫茫挑燈往觀幢幢
影無源罡風入回廊風下幽樹皆傾倒風裏行人枉
思量迎風兮揮袂蹒跚復踉蹌援杆欄以倚立將避
退而四張浩然勁氣起入荒凜寒砭澀何靄靄北極
天池浪西過昆侖臺中通八萬六千戶多少豪華與
塵埃城埠夾渠滄溟水相擊化雨撲面來濛濛兮紫
霧瀝瀝兮金釵我已久徘徊私語呼不得袖舞兮帶
嶽裙飄兮襟河林煙漠漠起廣寂風卷黑雲聚未合
玉丸珠雨竟不落濤雪奔襲散層霾電火擊擊營陣

勢二分喬木對此開百事盡休矣惟我得快哉

澤畔吟

澤畔多高樹春影兮綠波夜風兮疏雨淖泥而長車
披雲煙之東海蹈囚漸兮塵埃濤天之澹澹目不見
兮蓬萊扼其流倒其台三萬裏河兮溯西來洲上攜
酒邀共飲帝子笑聞肯倩猜光同舞則零落月相留
兮嵯峨憑君醉而不醒何擾擾兮蹉跎憑君吟而不
詠辭賦慟兮奈何憑君莫相勸何時能不怨亂步尋
花獨不見知是芳羣笑靨汀草飄零似少年蒹葭更
不言豈能掛綬江東尉清濁一睨兮等閒蒙朽滓則

不反顧留冠冕兮朝天

樊川歌

二分明月一夜風杜郎遺愛復幾重香奩粉囊蕪城
水碧瓦朱欄蕭寺蔓倚樓趙嘏席上見鄉親蘇小燈
下逢陌頭楊柳燈下客船中蕭管船外鐘玉輦留心
歌舞地忍空詩賦與從容酒暖薰籠千金笑豈似禁
苑顧一通幸使六軍惟聽命有他拍板共春容如何
辭翰皆塵土悔教兵法注曹公

遊春詩

年來身世漸飄零晚風兼雨愈淒迷晨窗曉看驚顏

色春花埋沒草離離濃雲際會生紫霧胭脂桃紅不
知處一觴一詠皆風塵玲瓏琥珀竟蟲蠹忽聞鼓瑟
齊一聲鐵衾攤破開朱戶千山粉面已自由肥馬輕
裘待從頭問君游春欲何求野樹路花不自愁得時
青帝巡天下芳菲惟此不封侯溪澗流水映層岑無
數彩魄與香魂楚冠旌幡不勝意碧蘚還招斷腸人

晚至成都府江口卽事

碧水積沙起汀洲蒹葭不語對潮流舳舻披甲成朽
土野塚荒田有遺仇西川無主多白骨劍南遣將滿
兜鍪三軍六萬八千列搖旗走馬入益州膾罷刑刀

浣花溪溪漲花敗柳依依還呼撫琴臺上坐相如居
處暫飲驢望江樓前一池酒無事捉刀喚美姬臘面
靴紋不忍聽班香宋豔滿瓊席自別金陵蜀道長意
向劍閣稱蜀王錦帳珠簾俱塵土金冠雲踐下岷江
布衣三尺半九州天下布衣本不憂不想紫袍寬戴
後新諸侯換舊諸侯青藜悠悠下翠微返照河山帶
血飛數代干戈埋芳草一城幽樹隱曦輝黑雲卷雪
排浪陣白鷺點水布羽圍最憶意武侯諸葛廟北望
中原喚不回

洛陽花苑行

窗外牡丹花豔令思洛陽花會詩人騷客滿城因杜撰一故事兼抒己懷

紫貂玉面起霓裳
花苑吹香滿洛陽
齋雨熏風連海
陌珊瑚袖擺象牙床
胡床軟語花中落
蒲扇輕颭不見客
佳人久違音信絕
詩賦常在君王側
雕龍一曲十五年
由來不及聲與色
玉輦前謝玉皇恩
一朝還來已殘春
女兒落魄十五年
花下早非花下人

近體四十四首

七日登高悲從中來聊賦一首也未得緣由

陰晴歸問卜淫雨更兼風
如若評顏色略輸賣花翁

荊州

登臨東望嶽陽樓
腸斷東南淚貂裘
最恨輕看小兒
計天下何處不荊州

閨怨

夢裏何處是他鄉
燈火明滅畫雕梁
謝橋碧蘚年年
綠怨教滿園梔子香

對雨

減碎山川與曉秋
只今魂斷也難留
誰教自取咎由
恨任爾東西任自流

昭君怨

長樂宮深夜未央
誰家步輦拜明堂
同爲憂國含萬

苦元帝無情盼魏王
牡丹玉殞埋白雪梅角香消葬碧沙
雨夜羅衾生漢
夢霜晨革帳奏胡笳

武侯祠駐馬隨詠

河畔干戈戰未收起塚夜靄蒼梧桐多少易主江山
淚堪當千秋兩凝眸

自誓

我本乾坤一老饕從無片紙到朱豪不關禮樂諸侯
事徑向野戍覓漁樵

調李白

有情皇天終負爾無際瀚海正愁餘長願捉月成宿
醉詞章齊天到海隅

四月既望初見月三日重逢欣喜不勝因爲絕句

絕人一意入蓬蒿淚脂傾頰香滿袍濤湧更翻清皎
色浮搓半夢過藍橋

觀鳥

長日觀書倦風寒不喜吹最親簷下鳥比翼傍煙飛
今古成新恨往來只舊醅空憐凌波步白首向翠微
立春逢漂雨賦得

紛雲冰兼雨擾擾退曉春青霜天漠色枯蚪雨箏聲

感舊
戾寒風失骨昏燈焰照塵萬般無甚趣移興與層岑

游沔水詩
知我青州牧窮通也未疏酒當逐客令詩賦絕交書
醒似劉伶醉笑如阮籍哭恥同樊噲列屠狗戴朱服

霜林十裏君山路綠雪四圍漢水舟北指中原身雖
客東臨沔郡相似囚經韜濟略謀秘計瀝血嘔心劃
前籌可笑襄陽稱尊意尤嫌六戰帶吳鉤

登臨漢台

秦中自古帝王州漢水風煙連遠丘蒼樹城頭棲老

馬寒萍灞嘴睡雛鷗遷丁擲手翻紫氣罪卒揮旌易
銀鈎幾處憑欄知春信重遊問酒對曉酬

石門懷古

魏武雅吟幾人蒙江濤似雪江水流三征障南分蜀
地兩跨灘北望秦樓久戰淪落嗟黷武親兵徙旅歎
助愁匡時不矜千秋序反教劉備占鰲頭

懺心

梧桐蟾影暗益州片雨乍寒過牆頭關河北望連秦
闕星漢西回帶吳鈎太傅虛懷雕龍趣將軍空起射
虎愁如何看破蓬壺月落花身世四海舟

代贈

總是心病怯曉寒
輕屐簡裝舊衣衫
獨行纏綿同海嶽
兩看嫵媚共青山
匹馬深巷台城埠
羣芳古原玉門關
曾言願許閑乘月
再灑魏晉古時冠

夜登

晚來何事夜張燈
步上荒閣覓舊塵
風起玄元聽似斷
雨從冥晦拭還溫
垂椒洗桂涔涔落
碎葉流花怯怯聞
縱把煙雲一笑過
癡言癡語枉癡人

天桃二首

剎那春颭竊竊行
梨花墜雨過清明
芳塵桃李留閑

醉香徑鶯磔促雅吟江上姿容驚吏部壺中風月動
翰林劉郎去後情懷減不肯紅妝直到今
夭桃不語不關情紫陌空餘漢上襟悔獻茂陵遊獵
賦惜看涪水太玄經章台柳老吹灰冷金谷石枯遍
蘼青未擬急雲亂雨處落花身世總飄零

自題殘山編詩

此生際遇競胡傳三度夢魂入苦寒吳主貪功別久
愛楊妃恨死忘長歡嘗因冠冕輕本性不欲錙銖罔
天然總論中原風塵事難留冰淨到玉盤

無題

紅牆粉堞入空門
烏雀輕薄似作嗔
任爾青眼還皓
眼由他舊墳傍
新墳劫餘煙火飛
灰滅戒後茶禪淨
界塵何必爭爲功名
死直須草莽問隱人

小寒卽事

庭花新著色未妍
梅角依稀似紅顏
曉霧妝成綾羅
舞暗香漫透紫檀
天功名有盡合是
夢經史無端未
爲閑且待青君回
鑿日此心寄與江
海煙

午臨春颺有懷

一川雨霽景吹風
喬木薰竹果不同
曼舞芙蓉香細
細輕歌薜荔影重
重榻前翻閱宋元
史藤下戲談佛

老宗誰道僻居能避世域中音訊入齋中

自嘲

玄宰書翰三千卷晦庵音言一萬章曾知丹青堪易
米自笑錐管不當糧枯簡蟲蠹新塵土貂裘時經老
風霜無端遣兵排七律何必寸斷九回腸

晚登幽勝逢人避之而致新境賦得

辜負春光枉白頭一吟一笑趨小樓學儒經歲成老
弱鬻畫何時敵王侯夕草疏人出青玉林煙蔽日入
赤綢移目微雨千家暗此生心同三兩鷗

代賦一首

十五功名且未酬，百八關闕一夕收。常思趙殿甘少子，最惜胡天霍軍侯。殘凋旌旗仍幡冕，儒帽老邁易胄盔。短褐安飾三尺劍，古來英雄笑蚩尤。

聞故舊登升後

彩筆驚破落塵寰，江郎詞工宋與班。銷魂那堪淮岸柳，絕恨休問廣陵寒。聞道紫袋朝同列，忍看青絲去不還。月來夢中更討盡辭賦，自此難上難。

蝴蝶

小翼扶牆不堪風，藤條疏密一萬重。曦露凝華三處綠，輕馥回環兩般濃。也戀芳魂青冥合，惘追仙侶夢。

土逢總親謫，謬花下會淚。問可從細腰宮。

一日碌碌冗務撥雜偶成一首

容易秋風又一年，情天孽海共佛緣。畫船歌舫皆塵土，詩賦文章作紙錢。竹下阮郎何處覓，籬前陶令有誰憐。憑君樽酒堪夕話，半世飄零與纏綿。

贈別二首

尋芳芳謝幾枯榮，微雨黃昏晚又風。碎影幢幢成漫碧，音塵杳杳入深紅。斜陽暮藹曾相似，戲鳥蝴蝶果不同。此去不應憑雙雁，心情原在雨聲中。
幾家深樹碧藏樓，一閱枯榮已數秋。雲帶曉煙成聚

散羽攜花信與悠游池魚未走悉傳信籬草經春尙
解愁此後各將前途在憑空一紙付潮流

夜登興詠九十字

蟾宮寒木影相望兩玲瓏眺睇銀融雪倚傾袖滿風
向來疏世事新更僻行蹤心安六如外氣定八尺中
煙遠虛夜月聲靜怯遊鴻還去醉幽榭相扶上九蓬
昆池一瀉水艮嶽五霄峯鎚銖趨走馬書劍誤雕龍
如何答笑傲詩夢與君同

承春露奉溫公七十二韻

神州一夜雪化解作春寒入木苦菲見生煙碭碭斑

鶯飛留院樹人去淨空山斤斧開天幕毫錐換玉欄
淚落濕紫袖塵飄染朱衫清漪研鏡影颼颼碎明潭
同君花下坐醉我一陶然簾外梅伶仃殘香散碧盤
何言華夢貴但使俱成歡魏帝金五穀不教釀醴甘
兵戎徙四海還讓改朝班秦李仍禁令宗臣莫敢傳
北征胡奴地宴飲如龍蟠廢政二十日盞斟似河寬
王侯拘九鼎黔首憂三餐文士誤風雅此皆未可攀
暮薄星野岸孤眷也強酣

春雨連三日

紫鶻新植三五株露重膏滿傍靡蕪久愛淺碧藏春

怨曾連粉紅墜酒壺我笑自矜昆侖玉人言不解洛
水圖蟲書鳥篆無論斷劍氣蕭心只應吾

子夜歌

余自視風流才子不料半歲前尙爲之碌碌如今入自在途不勝感慨遂有此作

臨窗夜靄看事遲不與封侯但與詩野霧合雲方入
戶正當梅老第一枝

蜀宮梧桐二首

一葉秋風大明宮明皇幸蜀月下逢馬嵬恩斷情未
斷夜雨低吟是玄宗

巴山蒼翠久蔥蘢村野漁樵一老翁言是原在後主

廟焦桐無顏見蔡邕

齋中玩端溪硯

老硯就厝白蘚花閑留筆墨與餘暇
殘春已無藏身處逃入潛庵居士家

遊蘭州黃河鐵橋

逝水罡風鐵馬刀憑君試上黃河橋
金山戴雪無人跡空應灘邊狐子騷

午晴

午晴春光媚不眠筆底文翰過半天
研墨試寫新到紙去年寒花入翠簾

夢中春氣合春塵早伴花香午閉門
我本只同春花醉由他簾影下黃昏

殘山詞編

十二首

詞十二首

浪淘沙

利雨破珠簾舊日管弦春鶯漸弱
夏蟬眠欲睡無風拂玉枕又待何年
吟按語窗前苦恨悲歡人情

世故悴紅顏氣暖衣薄離思少休問寒炎

憶秦娥

桂樓空 酌酒還澆斷橋東
斷橋東 半城煙柳一川春
風 萬裏河山頻入夢
驚覺此身久客中
天涯歸路微雨濛濛

減字木蘭花

次少遊韻

聊起春憤難按青灰新一寸恨煞流光卻斷啼鶯洗
愁腸 怨人不檢盡付東風飛花遍最痛凝眸再
促老夫上畫樓

臨江仙

漠漠平沙接紫陌，關河星月闌。幹飛霞，殘照遠江山。
少年揮袂處，多少淚偷彈。酒肆尋常，何處有鏡
中衰鬢。先斑老身，堪去試春衫。搵英雄涕，泗還把盞
憑欄。

虞美人

暮雨偶成

斷鴻音訊全無處，玉墜芙蓉露。蛩寒依稀暮鼓中，零
落蟬多少，啞啞西風。躑躅極目天涯，路黯淡流
煙樹。他年不問舊相逢，對酒舟頭，秋雨正梧桐。

賀新郎

長江眺遠

無限江山外，跨騮驪，琴心劍膽，等閒堪覓。萬壑相迎

不恨遠一脈東流練洗來復去中原半壁似血如花
殘照裏歎風塵秋雁傳誰意笑我醉休獨立
八
百里裏追尋故地澤畔靡蕪漫碧持扇羽狼藉甚矣
永鎮社陵長城死霍帥家何以卻胡騎封李廣略當
計

水龍吟

鳳燈空按無言雨消忽注黃昏雨梧桐院落女蘿一
角正西風處睨牆文章江關詞采經年塵蠹任芳菲
碧漫棲鴉啼斷東籬晚歸不去青泥殘香一地
引蝴蝶曼舞私語長天粉黛淡雲集散繁花如故可

愛登臨湖山風月物人黃土愴然而泣下何當共剪
半川飄絮

鳳凰臺上憶吹簫

半日春寒紅泥入雨籬下斜倚尋聲花滿菲蕪徑留
待誰人長怨蜂蝶不解芳歇處無故風塵劫灰在瑤
臺夢醒已是三生凝痕猶憐曉月搖玉露瀛州
融混香晨照厖眉潘鬢去歲頻溫仍就殘桃碎土何
妨又青兕前身東南恨簫心劍氣兩樣銷魂
何去雕龍翰林風月不若屠狗功名縱賦呈遊獵也
自飄零醉裏緇衣還素面三更夢識太玄經江南客

庾郎老矣堪否沾巾
伶仃儒冠誤我空等到如
今片字關情顧盼陳王淚羅襪塵音惟此陌頭青杏
沽酒未吳市長吟闔廬閉昭關夜雪換了丹青

天仙子

蘇小墳頭風細細夢醒便十八年紀流鶯衰柳半靡
靡風流子憑誰憶皓齒明眸空歷歷客子光陰
書卷裏湖與山果然清麗竹溪佳處料難尋傷到此
人獨立容易秋風花滿地

千秋歲

多情似我一數情緣禍想細雪芙蓉國奈何花似

鬢竟起峨眉魄驚塵漸慢空人去夕風破
此去
江南臥音訊付春波顧與盼皆成錯留秦准脈脈不
共與蹉跎凌煙處
美人面論他功過

解佩令

自序小集

五陵年少梁園遺老慣尋常雨打芙蓉謝怨去填詞
多少恨名托風月情難絕紅閨一夜玉簫蘇小
吳鉤裴度變新詞洞庭碧雪落拓江湖共君舞錢塘
河嶽破層雲今我也去也